


पोयराहा खातोर बाईबल  
आमीज



स्वर्ग  
परमेश्वरा सुंदर  
पाँगो हाय



द्वारा लिखित: Edward Hughes

द्वारा चित्रित: Lazarus  
Alastair Paterson

द्वारा अनुकूलित: Sarah S.

द्वारा भाषांतर: रमेश वसावे


द्वारा निर्मित: Bible for Children  
[www.M1914.org](http://www.M1914.org)

©2022 Bible for Children, Inc.


लाइसंस: तुमा इयाल नाहा वेची सेकता, जांव लुग तुमाहान इयो  
काहानी कॉपीकेरा आन प्रिंट केरा अधिकार नाहा हाय.



जांहा इशू तरतीवे रेतलो आथो तांहा तियांय तिया शिष्याहान  
होरगा बाबतीम आखलों. तियाय तियाल "मा बाहाका कोअ"  
आख्यो का तिहीं खूब ओवाल्या हाय. ओवाली एक मोडो  
सुंदर बंगलो हाय. स्वर्ग केअलाबी  
तरतीवेने कोआ से मोडो  
आन सुंदर हाय.



इशुय आख्योँ, आंय तुमा खातोर जागो तियार केरा जांहुं.  
आन जर आंय तुमा खातोर जागो तियार किहीं ता वापस  
आवीन तुमाहान माइहीं ली जांही. माँअलामेने जिवतो उठ्या  
बाद इशू होरगाम गियो. जांहां तिया चेला वेअता रिया तां  
इशू उसलाय गियो आन एका वाद्लांय तियाल तियाहां डाआ  
हुंबुरने द्वावी लेदो.




तिहिने ख्रिस्ती लोक इशू वापस आवणु आन तियाहान प्राप्त  
केअनु वायदो इत केअतेह. इशुय आख्याँ का तो अचानक  
आविहीं, जांहा कमीत कमी भरोसो आथो. पेन इया  
मसीहां बाबतीम काय जे तिया आवनुं  
पेअला मोय जातेह? बायबल  
आखेह का तें सरळ इशू  
आरी रां जातेंह. शरीराकी  
अनुपस्थितीवेअनु म्हणजे  
प्रभू आरी उपस्थित  
वेअनु हाय.


यहोवा हुंबुर  
उपस्थित वेअनु




प्रकाशितवाक्य, बायबला शेवटलो पुस्तक आमाहान आखेह  
का स्वर्ग कोतो सुंदर हाय. हाराम हारी अद्भुत गोठ इ हाय  
का, एक खास तरीकेसे, स्वर्ग परमेश्वरा कोंअ हाय. ईश्वर  
हर जागे हाय पेन तिया  
सिहासन स्वर्गाम हाय.



देवदूत आन अन्य स्वर्गीय प्राणी स्वर्गाम परमेश्वरा आराधना  
केतेह. एहेकीज परमेश्वरा बादा लोकाहा आरी के जे मोय  
गियाहा आन स्वर्गाम गीयाहा. ते  
परमेश्वरा स्तुती गीते आखताहा.




इही तियाहा द्वारे आखला गीता एक गाना काहीक शब्द  
देव्ला हाय; तुमा इया लायक हाय का तुयें हर जनजाती  
आन राज्यामेने तिया रक्ताकी आमाहान  
बनावला हाय आन आमहान परमेश्वरा  
खातोर राजा आन पुजारी बनावला  
हाय (प्रका. 5:9)







बायबला शेवटला भागाम स्वर्गा वर्णन "नवो यरूशलेम"  
रूपाम केआलो हाय. इं खूब मोडो हाय, बारे एक उंची भिंत  
हाय. भिंत जैस्पर दगडा हाय, जो क्रिस्टला होच साफ हाय.  
रंगाकी जगमगातें सामानाकी आन किमती दगडाकी भिंती  
पायो टाकलो हाय. शहरा हरेक दरवाजो एक विशाल मोतीकी  
बनावली हाय.




तें मोडे मोती दरवाजे कधीही बंद नाहा वेअतें. चाला माजमे जायन चारीवेल देखजी ... वाहस्वर्ग माजमेने आजी खूब हारों हाय. इं नगर शुद्ध काच आन शुद्ध होना बनाव्लो हाय. रस्ता बी होना बनावला हाय.



परमेश्वरा सिहासनायने जीवना पांया एक सुंदर साफ खाडी चालेह. खाडी बेनिवेल जीवना चाडवे हाय. जों पेअला अदन बगीसाम आथो. इं चाडवो खूब हारो हाय. इं बारा प्रकारा अलग-अलग फळे देह. हर मइनाम अलग प्रकारा. आन जीवना चाडवा पाने राष्ट्राहा इलाजा खातोर हाय.



स्वर्गाल उजवाडा खातोर सूर्य आन चांदा गरज नाहा.  
परमेश्वरा तिया महिमा की अद्भुत उजवाडाकी पोय  
देह. तिहीं कधीही रात नाहा वैअती.



होरगा जनावरें बी अलग हाय. तें बादें एकबिजाल मिलतेंह.  
कोले आन मेडे आरीज चारो खातेंह. ताकतवान सिंहबी बैला  
होच चारो खाहे. यहोवा इं आखेह का मां बादा पवित्र पर्वतावे  
नायता तें नुकसान केअ आन नाय विनाश केरी.



जांहा आमा चारीवेल वेअते: तांहा वेअतेंह का होरगामेने  
काहीक वस्तू गायब हाय, कधीही नाराज शब्द नाहा उनातें.  
केडो नाहा चुलातो किंवा नाहा केडो  
स्वार्थी, दरवाजावे टालें नाहा,  
काहका होरगाम केडो चोर  
नाहा, केडो खोटो, खुनी,  
जादूगर, या दुष्टलोक  
नाहा, होरगाम  
केअलाबी प्रकारा  
पाप नाहा हाय.



परमेश्वरा आरी होरगाम  
आजी रोज्यें नाहा,  
कधी-कधी इया जीवनाम  
मोडा दुखाकीपरमेश्वरा  
लोक रडताहा. होरगाम,  
परमेश्वर बादें रोज्यें  
नुसी टाकी.




होरगाम मृत्यू नाहा हाय. परमेश्वरा लोक हमेशा यहोवा आरी  
री. आमी नाहा काय दुख हाय, नाहा जाहको रडनु, नाहा  
जाहको तकलिप. केअली बिमारी नाहा, नाहा अलगाव, नाहा  
अंतिम संस्कार, होरगाम  
हरेक परमेश्वराआरी  
हमेशा खुश हाय.





हाराम हारी गोठ इ हाय का स्वर्ग इया पोयरा आन पोयरीहीं  
खातोर हाय (आन मोडेबी हाय) जियाहांय इशू मसिहल  
तियाहा उद्धारकर्ता रूपाम मान्योह आन तियाहांय तियाहा  
प्रभू रूपाम मानी लेदोह. होरगाम मेमना जीवना नावा एक  
पुस्तक हाय. पुस्तक लोकाहा नावाकी पोरालो  
हाय. काय तुमा जांअताहा तिहीं केडा नाव  
लेखलो हाय? ए बादा लोक जे  
इशुवे विश्वास केअताहा.  
काय तुमा नाव  
तिहीं हाय?



होरगा बाबतींम बायबला शेवटलो शब्द एक अद्भुत निमंत्रण  
हाय. "आन आत्मा आन दुल्हीन आखतेह, 'आव!' आन जो  
उनाहाय तो आखेह, 'आव!' आन जो प्यासो हाय तो आवे,  
आन जों काय जोजे, तों जीवना पांय फुकट ले."



स्वर्ग परमेश्वरा सुंदर पोंगो हाय  
परमेश्वरा वचन बायबला एक कहानी


इयाम मिलेह

योहान 14; 2 कुरीन्थ 5,  
प्रकाशितवाक्य 4, 21, 22

"तुमा शब्दाहा प्रवेश उजवाडो देहे."

भजन 119:130






सेवक



60



60



बायबला कहानी आमाहान अद्भुत परमेश्वरा  
बाबतींम आखेह जियाय आमाहान बनाव्या आंन  
तिया इच्छा हाय का आपु तियाल जांआजी (ओअखुजी).

परमेश्वराल मालूम हाय का आमाहांय खाराब कामे केअयेंह,  
जियाहान तोंअ पाप आखेह. पापा सजा मौत हाय, तेबी परमेश्वर  
आपुहुंवे ओतो प्रेम केहे का तियाय तिया एकूलतो पोयरो, इशूल  
कृसावे मोरा आन तुमाहां पापाहां सजा खातोर मोकल्यो. फाची  
इशू जीवतो वेअयो आन होरगाम तिया कोअ गियो!

जर आपु मानता वेअरी इं खेरो हाय, ता परमेश्वराल एहेकी आखा:  
प्रिय यीशू, मां विश्वास हायका तूं परमेश्वर हाय, आन मां पापाहा  
खातोर मरा खातोर एक आदमी बनी गियो, आन आमी फाचो जीवतो  
बनी गियो. कृपा किइन मांआ जीवनाम आव आन मांआ पापाहान  
माफ केंअ, का आंय आमी नवो जीवन मिलवू, आन एक दिही कायम  
तोअ आरी रिई सेकुं. मान तोअ आज्दन्या माना खातोर मदत  
केअ आन तोअ पोयरा होच तोअ खातोर जीवूं. आमेन.

बायबल वाचा आन रोज परमेश्वरा आरी गोठया केरा. योहान 3:16

